



"Kada su došli Jemenci..."

Enes, radjallahu anhu, veli: "Kada su došli Jemenci, Resulullah, sallallahu alejhi ve sellem, rekao je: 'Došli vam stanovnici Jemena!' Oni su prvi uveli rukovanje (pri susretu)." (Ebu Davud, sa ispravnim lancem prenosilaca)
[Vjerodostojan] [Hadis bilježi Ebu Davud - Hadis bilježi imam Ahmed]

"Kada su došli Jemenci", tj. pleme el-Eš'ar, narod Ebu Musaa el-Ešarija. Da je to tako, govori i predaja koju bilježi Ahmed u "Musnedu", 3/155, od Enesa b. Malika, koji prenosi da je Resulullah, sallallahu alejhi ve sellem, rekao: "Sutra će vam doći narod koji prema islamu imaju blaža srca od vas." I stigli su pripadnici plemena el-Eš'ar, među kojima je bio i Ebu Musa. Kada su se približili Medini, govorili su: "Sutra srećemo nama drage, Muhammeda i njegove ashabe." Kada su došli rukovali su se, pa su oni bili prvi koji su uveli rukovanje.

<https://www.sunnah.global/hadeeth/bs/show/6214>

